

Asian Hornet / Cacynen Asia

**Cadwch
lygad yn
agored!**

Os gwelwch y gacynen hon, rhowch wybod:

- drwy'r ap cofnodi ar gyfer iPhone ac Android: Asian Hornet Watch
- ar-lein drwy fynd i: www.nonnativespecies.org/alerts/asianhornet
- drwy e-bostio: alertnonnative@ceh.ac.uk

Disgrifiad o'r gacynen

Enw gwyddonol: *Vespa velutina*

Enw arall: Cacynen felyngoes

Yn wreiddiol o: Asia

Cynefin: Fel arfer yn nythu'n uchel yn y coed ac mewn strwythurau artiffisial, weithiau'n nes i'r ddaear; yn hela'r gwenyn mêl, pryfed eraill a hefyd yn bwydo ar ffrwythau a blodau.

Yn hawdd ei hadnabod oddi wrth gacwn a gwenyn eraill. Corff brown tywyll neu ddu melfedaidd. Abdomen tywyll a choesau gyda blaenau melyn fel arfer. Yn llai na'r Gacynen Ewropeaidd frodorol.

Wedi ei chyflwyno i Ffrainc yn 2004 cyn lledaenu'n gyflym iawn. Cofnodwyd ei gweld droeon yn y DU ers 2016. Mae'n eithaf hawdd ei chyflwyno mewn pridd wrth fewnforio planhigion er enghraifft, mewn blodau a dorrwyd, ffrwythau, eitemau i'r ardd (dodrefn, potiau planhigion), cynwysyddion llong, mewn cerbydau neu mewn / ar bren heb ei drin. Nid yw'r posibilrwydd y gallai hedfan ar draws y Sianel wedi'i ddiystyru'n llwyr.


Yn bryfyn ysglyfaeth hynod ffyrnig gan ymosod ar bryfed brodorol. Yn cyflwyno bygythiad sylweddol i wenyn mêl a phryfed peillio eraill.

Peidiwch ag aflonyddu ar nyth byw. Dylai unrhyw aelod o'r cyhoedd sy'n amau eu bod wedi gweld Cacynen Asia hysbysu'r peth drwy dynnu llun gan ddilyn y manylion yn y blwch coch ar ben y daflen ID hon.



David Walker


Nodweddion adnabod



David Walker

Cacynen Asia

Cacynen Ewropeaidd



Mae abdomen y Gacynen Asia'n dywyll bron i gyd heblaw am y pedwerydd segment.

Cacynen Asia yn hofran cyn ymosod ar wenyn mêl



J. Haxaire

Cacynen Asia (*Vespa velutina*) i bwrpas cymhariaeth

- Y frenhines yn tyfu hyd at 30mm; gweithiwr hyd at 25mm
- Blaenau'r coesau'n felyn
- Abdomen brown tywyll neu ddu a'r pedwerydd segment neu fand yn felyn / oren
- Pen tywyll o edrych i lawr arno, oren o'r blaen
- Antenae lliw tywyll
- Thoracs du melfedaidd drosto
- Byth o gwmpas wedi nos

Union faint



Q. Rome

Rhywogaethau tebyg

Cacynen Ewropeaidd (*Vespa crabro*)

- Y frenhines yn tyfu hyd at 35mm; gweithiwr hyd at 30mm
- Blaenau'r coesau'n frown
- Abdomen melyn gyda marciau brown ar yr ochr uchaf, dim bandiau
- Pen melyn o edrych i lawr arno, melyn o'r blaen
- Antenae melyn
- Thoracs du gyda chryn dipyn o farciau brown
- Gallai fod o gwmpas wedi nos

Union faint



Roger Burgess



Mia Tonge, National Bee Unit

Cacynen anferth y coed (*Urocerus gigas*)

- Yn fwy na chacynen Asia, y fenyw'n tyfu hyd at 45mm
- Coesau melyn
- Abdomen gyda bandiau melyn a du amlwg
- Corff silindrog hir yn wahanol i gacynen Asia, sydd â chanol amlwg
- Antenae melyn hir
- Y fenyw gydag atodyn hir amlwg tebyg i godyn brathu, a ddefnyddir i ddodwy wyau mewn coed

Union faint



Q. Rome

Gwenynen hofran ddu (*Volucella zonaria*)

- Abdomen gyda mwy o sribedi melyn na chacynen Asia
- Coesau mwy tywyll na chacynen Asia
- Dim ond un pâr o adenydd (mae gan wenyn meirch duon a melyn ddau bâr)
- Llygaid mawr crwn

Union faint



Didier Descouens



Alvesgaspar

Gwenynen gymdeithaso/ (*Dolichovespula media*)

- Mwy o liw melyn ac oren ar fandiau'r abdomen na chacynen Asia
- Marciau melyn ar y thoracs yn wahanol i gacynen Asia

Union faint



Q. Rome

Arwyddion Maes

O gwmpas Ebrill – Tachwedd (yn enwedig Awst / Medi). Ar ôl paru, mae'r frenhines yn gaeafu ar ei phen ei hun neu mewn grwpiau, mewn cynefinoedd naturiol neu artiffisial – dan risgl coed mewn tyllau wedi eu gadael gan gynrhon chwilod, mewn pridd, ar botiau planhigion seramig - yn wir unrhyw lochesi bychain, clyd. Yn gwneud nythod mawr iawn mewn coed tal yn y wlad neu'r dref, ond yn osgoi llecynnau o goed conwydd yn unig. Hefyd yn defnyddio strwythurau artiffisial (modurdaï, siediau ac ati) i nythu ynddynt.



Am fwy o wybodaeth ewch i:

www.nonnativespecies.org
www.nationalbeeunit.com

**Cadwch
lygad yn
agored!**

Os gwelwch y gacynen hon, rhowch wybod:

- drwy'r ap cofnodi ar gyfer iPhone ac Android: Asian Hornet Watch
- ar-lein drwy fynd i: www.nonnativespecies.org/alerts/asianhornet
- drwy e-bostio: alrtnonnative@ceh.ac.uk